

60 giuvenils prestan lavur preziosa en il gaud da muntogna Jobs da stad raschunaivels grazia a la BCG ed al Project en favur dal gaud da muntogna

Cuira, ils 16 da fanadur 2020 – Per l'otgavla giada han lieu actualmain las emnas da project popularas en il gaud da muntogna. 60 giuvenils lavuran cun grond engaschament a Cuira, Glion, Claustra e Bravuogn en ils guauds grischuns. La dumonda da survegnir in dals jobs da stad pussibilitads da la Banca Chantunala Grischuna (BCG) e dal Project en favur dal gaud da muntogna è stada gronda.

Dapi duas emnas lavuran ils giuvenils tenor instrucziun professiunala en il gaud da muntogna indigen e fan ina contribuziun preziosa a ses mantegniment ed a sias funcziuns da protecziun. Las mattas ed ils mats grischuns en la vegliadetgna da 15 fin 19 onns construeschan sendas per inspecziuns e saivs cunter donns da rusignar, fan lavurs da tgira e gidan a cumbatter las neofitas. Suenten avair lavurà a Cuira ed a Glion lavuran ils giuvenils las proximas duas emnas en il guauds da Claustra e Bravuogn.

In record d'annunzias

La Banca Chantunala Grischuna porscha ils engaschaments da stad en il gaud da muntogna per l'otgavla giada. Passa 200 giuvenils èn s'annunziads per las 60 plazzas a Cuira, Glion, Claustra e Bravuogn – in record. «Cun il [project da stad da la BCG](#) pussibilitain nus jobs da stad raschunaivels ch'i dat pli e pli pauc. Il grond interess cumprova che nus essan al puls dal temp», di Alexander Villiger, manader dal personal tar la BCG. Cun il project mussia la banca era ch'ella prendia serius ils basegns da l'ambient e da la societad. En il rom dal giubileum da 150 onns da la BCG pon s'engaschar voluntarmain quest onn era 60 collavuradors da la banca en ils guauds dal Grischun.

Ils giuvenils serran ina largia impurtanta

In gaud da muntogna intact protegia da privels natirals ed è il spazi da viver da bleras spezias d'animals e da plantas. «Ils voluntaris dal Project en favur dal gaud da muntogna adempleschan cun lur lavur in impurtant pensum quai che riguarda la tgira dal gaud e da la cultura en las muntognas», di il mainaproject Martin Kreiliger, ed el cumplettescha: «Il medem mument emprendan ils giuvenils d'enconuscher directamain l'ecosistem fascinante dal gaud da muntogna.»

Contact per las medias:

Banca Chantunala Grischuna, Medias & Investor Relations, Chascha postala, 7001 Cuira
Thomas Müller, thom.mueller@gkb.ch, telefon +41 81 256 83 11
Nadja Maurer, nadja.maurer@gkb.ch, telefon +41 81 256 88 01

La Banca Chantunala Grischuna sin:

gkb.ch/medien | [Twitter](#) | [Facebook](#) | [Instagram](#) | [LinkedIn](#) | [Xing](#) | [YouTube](#) | [Flickr](#)

La Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa 1010 collavuradors e collavuradors (stadi dals 31-12-2019). En il chantun Grischun cun sias numerusas vals e pliras linguas, è l'interpresa represchentada cun 50 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive AG a Turitg ed a la Albin Kistler AG medemamain a Turitg. En il resultat annual preschenta ella cun ina summa da bilantscha da CHF 28.5 milliardas in gudogn dal concern da CHF 185.5 milliuns. Il scrit da participaziun BCG è quòta a la bursa dapi ils 10 da settember 1985.

Termins

Rendaquint semestral 2020: 23 da fanadur 2020
